

993
30.4.14



邠縣志卷九

人物志

勲伐義行

儒林隱逸

文苑附流寓

武功孝友列女

義烈

地以人重古之過里者必式謂其中必有賢者式其人非式其地也則賢者之有光於閭里多矣顧十室之邑猶有忠信而邠以汝潁鍾奇之地自漢唐以來更歷二千年可紀者不過十數人餘則一節之長一事之善固不足與古人相提並論也劉山汝水之靈與昔不異而人物之盛衰不能不以古今異何與夫不二者道也相遠者習也舊而興者氣也往而靡不

可至者學也是在人而己矣志人物

勲伐

漢

臧宮

後漢功臣破羣賊數陷陣卻敵建武二年封

成安侯更封期思侯與吳漢並滅公孫述更

封鄼侯後定封朗陵侯以謹信質樸故常見

任用永平元年卒諡曰愍侯本傳載藝文

銑期

後漢功臣擊王郎將大破之郎滅拜虎牙大

將軍復大破銅馬青犢赤眉光武卽位封安

成侯爲魏郡太守行大將軍事破更始將卓

京及檀鄉五樓賊建武五年爲大中大夫拜

衛尉期重於信義自爲將有所降下未嘗虜

掠及在朝廷憂國愛主有不得於心必犯顏

諫諍十年卒帝親臨槨斂

諡曰忠侯本傳載墓文

唐

馬燧

唐功臣姿度魁傑沈勇多算討李靈曜田悅李懷光功在社稷初封幽國公進北平郡王卒年七十諡曰莊武本傳載藝文

儒林

明

李希顏

好學力行明太祖手書徵之命爲十王師授左春坊贊善大夫文皇靖難遂歸隱不出懷信守度孤介寡合卒忍

悍死著大學中庸心法

王璇

警哲有氣概年十四讀易曰象含至理太極一圖可盡始學蔡沈書又學朱子詩八應舉不第乃貢入成均嘗上封事言崇孔子黜佛教復貢制清仕途綜伯祖其議遂以親老乞

教職授南鄭訓導既至與諸生立課程告之
曰今之舉子業二帝三王之道孔孟顏曾之
微濂洛關閩之學皆在是苟徒爲口耳焉非
所望於諸生也嘗考定冠射古禮及大學中
庸心法著謙卦圖贊學者稱爲

王尙綱

性穎悟童日卽有志聖賢之學登進士官吏
部郎中持銓以平允稱出爲山西參政到官
卽請歸養家居十九年安貧樂道讀書蒼谷
山中養粹學醇累遷浙江右布政使卒於官
薛應旂謂其有兩程而左三蘇崇理學而鄙
詞翰使假之以年當必能繼往聖而開來學
著有蒼谷集十二卷學者稱爲蒼谷先生
生孫夏峯先生爲作傳載入洛學編

國朝

全軌

重倫常有至性因叔父家雖奔走數千里盡
破家產營救得免才敏學粹經術深醇旣與

耿邁菴李禮山諸名宿相反善精心洛閩之學所著述皆能扶植名教羽翼經傳學者多資提倡焉

文苑

明

王同

字一之負奇氣承家學弱冠舉於鄉晚就揀銓司授海州知州海地荒民流極力撫字疏通河道振興學校以蠲稅糧折馬價併里分力請於朝俱蒙俞允擢都督府經歷調隨州致仕歸屏事息慮超然物外著謙忍圖說永感類集義方堂集樂歸園集書法端莊遒勁動與古會碑碣摩挲搨藝林寶重焉

國朝

全廷舉

天資穎異書過目輒成誦所爲文洋洋灑灑數千言援筆立就旣以鄉試領解文名噪甚

端本善行風義卓然士林欽慕焉

李模

績學精勤博通經史登進士任武強令慈惠廉明民愛戴之陞刑部主事遷禮部郎中提學桂林倡明文教獎勵後進粵西士風遂不振焉

郭毅

字道遠號遲園邑廩生才氣高邁試輒冠軍尤工詩古文辭篤氣誼重然諾永甯令佟公賦偉祥符令胡公權寶豐令土公雍爭欲延致先生夷然不屑也同時若襄城劉太乙萬西田寶豐王公載同邑仝車同莫不推重之著有遲園詩集榮樂堂文集學有根柢詩文見重於時試輒冠軍由增廩選拔副車鄉舉明通以至甲第館選文士之遇於公稱最居官俱有治績去任人思慕之著有肅寓齋詩集子衣德字通堂是廩生有

劉斯和

文學亦以能詩聞

薛憲

字汝南號冷菴邑增生學問淹通數奇不遇
邑侯無不敬禮之寶邑吳太史垣督學浙江
敦聘衡文所薦皆知名士張邑侯續縣志實
出其手以諸生老士林惜焉著有汝南詩集
七歲能文穎悟嗜學通覽羣籍無不該貫古
今文章體製洞悉原委偶一涉筆汪洋浩瀚
冠絕一時朝考一等殿試二甲而不與
館選士林惜之以教讀養親門下登賢書捷
南宮者三十餘人後任文安寶坻知縣皆有
惠政留心書院親為講論咸豐辛亥在寶坻
中式者八人可為盛矣生平尤喜行誼親歿
哀毀骨立三年不入內不御酒肉受知孫邑
侯蘭陔蘭陔賢令力為請入名宦道光丙午
豫大饑專人旋邾親族貧者無不周給焉

武功

漢

韓千秋

武帝時南粵王王太后求內屬其相呂嘉爲亂邾壯士故濟北相韓千秋奮日以區區粵又有王應獨呂嘉爲害願得勇士三百人必斬嘉以報天子遣千秋將二千人往嘉遂反攻殺王王太后立趙建德爲王千秋兵之入也破數小邑其後粵直開道給食未至番禺四十里粵以兵擊千秋滅之天子曰韓千秋雖無成功亦軍鋒之冠封其子延年爲成安侯

唐

孫 佺

歷官有聲稱延和初爲羽林將軍幽州都督率兵十二萬討奚李大酺分三屯以副將李楷洛周以梯領之次冷硯楷洛與大酺戰不勝壯校多沒佺氣褫乃宣言天子詔我招慰

奚楷洛違詔妄戰當斬遣人謝大酺大酺知
佺詐佺索賜物好語勸引還而佺部伍離沮
奚逼之大敗死者數萬佺以
梯同見獲送默噉所殺之

元

李式

少勇而有義歷官左丞奉
命東征賞罰明信祀鄉賢

楊文選

鎮守靈石以惠廉治民民
刻石頌功德見平陽志

明

王尚林

字敬所官浙江樂清營海防守備久在行間
鍊達軍務既老病懇請罷去總戎惜其才執

不許君慨然曰戀名位而誤封疆非

忠臣也請益力乃聽以原官致仕歸

秦楚

字鳳亭武生明季流寇之亂捐貲圖練捍衛
鄉閭聯絡十三砦俱得無虞當事上其事擢

爲副將子
可京可都

秦可京

武進士初在廣東提標守備閩蜀之變嘗畫
防剿七策賊至潮州帶兵進剿擊退援潮閩
賊復隨鎮南將軍援福建攻克永定縣旋補
遊擊敗賊將於蓮花山嘗帶兵在舖前龍根
砦并洲潮州香山十字門等處殺敗海賊奪
獲船隻斬僞官撫難民俱蒙優獎又勦盤古
洞積賊擊殺無算以副將銜
援山西大同助馬路叅將
字御九武生從征廣東有功
以都司銜授河源縣守備

秦可都

孝友

明

秦 賢

生員以孝子保舉授邵陽
縣知縣秦可京之太高祖

劉

濟

苑馬寺少卿事親至孝親卒廬墓負土爲墳時蝗蝻食禾近墳十里一虫不入墓常有虎臥廬側達旦乃去蒙詔旌表

劉

梁

事親至孝廬墓三年

黃

錦

貢生親歿廬墓三年足不入城市盜聞之亦感其孝爲致賻以其禦得御之蒙詔旌表崇

祀鄉賢

王

和

庠生蒼谷先生子母卒廬墓後蒼谷卒於浙江布政司任賻金四百兩不受復廬墓三年

祀鄉賢

高

嵩

義官父歿廬墓三年哭喪明孫光霽復爲母廬墓曾孫定之亦爲母廬墓蒼谷王公爲作

三世廬墓傳

高 清

家貧鬻炊餅竭力養親始終不倦

周 禮

家貧母病刲股及卒廬墓盜過遺以金布泣辭

高 科

庠生父歿後六月始生母疾刲股以進及卒廬墓家貧不能致屋穴處三年

王 裔昌

庠生父敬臣誓不降賊投井而死昌慟哭曰父死吾生何為亦投井死

趙 良士

字詢茲事親至孝母病晝夜侍榻前湯藥不假人手尋割股以愈庭訓嚴切子光耀光顯

相繼成立

王 錫引

鄉市人也事親孝家貧每食必竭力具酒肉終其父母之身以為常父或食不飽則與妻竊泣於室妻亦賢能佐成其孝親歿廬墓三年邑令李公貞佐間而嘉之往拜其家延以為鄉飲賓贈以古風一章與揖讓酬酢執禮甚恭時觀者如堵吏卒呵之公諭以勿禁呼

子弟來前告之日若皆有父母能孝如錫引者吾將尊禮之與錫引同聞者莫不感勸未幾流賊陷郟城李公罵賊不屈死錫引潛往收其屍具棺瘞之城南所謂忠臣出於孝子之門而錫引爲能

忠事其長上也

王榛

鄉民父歿負土成墳廬墓三年

李可敬

太僕寺少卿官培父刲股愈親

張惠

母病割股

劉益能

庠生事親至孝母歿廬墓三年

趙杰士

選貢父久病親侍湯藥三年如一日婦李氏復刲股以進乃愈祀鄉賢

張大亨

庠生割股愈親嘗覓殉難李侯喬太夫人屍具棺葬焉

趙運昌

昌父以貴雄明末鄉邑遍地土賊昌父母避
難邱家砦城中喧傳砦已破殺戮無子遺昌
聞痛哭幾絕奔求父母道遇一巨人高丈餘
告以賊且至以刀指田中轉蓬令之入言訖
忽不見昌驚異卽伏蓬科下俄而賊至距轉
蓬才數武殺十餘人而去昌始踉蹌至砦門
而砦實未破父母皆無恙賊楊同錦據邾城
其黨武三武四等恣行切殺昌居爲武四所
佔掠其家財已盡復縛昌二弟於庭以索金
不與將殺之昌乃括私囊所有千金盡與之
猶不肯釋昌詣同錦告之同錦怒令武三解
昌兩弟縛縛其弟武四以來將行軍法昌卽
縱兩弟遁去武三憤曰汝弟去令吾弟死乎
昌曰所不使兩弟往者恐其言語觸忤將不
利於君弟也今當縛吾與君弟俱賊如言縛
之至同錦所同錦集賊帥十餘人共坐賊徒
數百夾兩階露刃而立問昌狀昌知同錦不
欲殺武四而武三兇暴殺其弟趙氏將無遺

類卽詭言非實欲殺之乃言而抽刃擬其項
怖令飲酒耳向來告者懼其言戲而或至於
誤殺也同錦與其黨大悅卽釋武
四而立解昌縛與之飲縱昌夜歸

國朝

楊生榮

治家有法七世同居嘗買褚姓李姓子爲
義男褚旣娶李亦長均因本宗宗嗣放還

柳逢時

康我朝

孫謨

周簠

崔峻于

子世臣

以上五人舊志云孝子名載彰善坊而未詳事實

中州彰善錄亦無其人故備錄姓名以俟考證

崔世臣

邠人目不知書天性至孝父病欲食魚時值隆冬漁者艱於得魚世臣對網拜求舉網果獲一大魚人咸以爲孝感父歿

馮贊

監生孝本性成幼失怙哀毀骨立母病祈以身代周貧乏修橋梁善必歸親乾隆十三年

題准建

勸入祠

趙經

太學生幼孤事母若成人母病侍湯藥衣不解帶母少不懌必長跪請責俟色霽始起舅

氏貧迎養於家爲預營葬

地歲饑出粟佐邑令賑濟

李鳳來

邑廩生幼出繼父所生與所後之母以孝聞叔暨妹皆早亡孤無依俱養於家比長爲

之授室治產使奉兩家之祀
邑侯張公隔日孝友維風

谷薰

早孤事母孝伯兄客死太倉躬負其骨二千
里外命其次子携產奉伯兄祀卒年九十一

韓宏儒

字越干太學生揭河村人七歲喪父事母以
孝聞時有相者知來事不爽毫髮言宏儒母

壽止六十五歲宏儒聞之大痛祈天自代母

氏訓以廣施恩惠或可延算自是凡濟人利

物事無不爲之村北爲東西孔道建立茶亭

三楹又恐其廢墜復捐地九畝以爲久計值

歲大饑出粟活人甚多其母後夢一緋衣人

日以汝子義舉延汝壽一紀矣後果七十七

歲而終

秦仙

父葬於紫雲寺東北二里許仙廬墓
三年負土成墳每食必祀無日或輟

張光運

貧無立錫地年十二父倫出外不返父子不
相聞者十餘年適有上蔡人寄一信言其父